

MISA CON NENOS
26 de febreiro 2017
ORDINARIO 8º-A



**Mateu 6, 24-34: “Se Deus coida dos paxaros,
que non fará por vós?”.**

Mensaxe: Deus é TODO CORAZÓN. Non te angusties. CONFÍA.

1. ACOLLIDA

Amigos y amigas:

Estamos no Entroido xa a piques de comezar a Coresma o vindeiro mércores, o día de cinza. Hoxe, domingo 8º do tempo ordinario, no evanxeo, escoitaremos a conclusión do Sermón da Montaña que temos fomos seguindo ao longo dos últimos domingos. Xesús invítaranos a facer realidade na nosa vida o camiño que el nos propón: non buscar tanto as seguridades no diñeiro e no ter bens materiais. Confiemos máis en Deus, o noso Pai, deixémonos soste por el, e con moita fe. **Non nos angustiemos, Deus coida de nós.**

No nome do Pai... **Deus, presenza provida, que nos quere de corazón e coida sempre dos seus fillos con tenrura, sexa con todos vós.**

(Colocar o cartel de Fano con Xesús sostendo o corazón grande de Deus e unha frase debaixo: “Deus é TODO CORAZÓN. Non te angusties. CONFÍA”).

2. PERDÓN

Recoñezamos os noso pecados e o seu amor de Pai encheramos de alegría.

- Porque a vida é dura e dubidamos do teu amor paternal que vela por nós, teus fillos. **Señor, ten piedade de nós....**
- Porque ás veces pensamos que o teu mundo se che escapa das mans e fiámonos máis dos nosos remedios que da túa sabia providencia. **Cristo, ten piedade de nós ...**
- Porque es luz, amor e vida, pero non nos deixamos guiar por ti. **Señor, ten piedade de nós**

3. PALABRA DE DEUS

Escoitemos con moita atención a Palavra de Deus. A primeira lectura é moi curta e moi clara: “aínda que unha nai se esquecese dos seus fillos, Deus non se esquecerá de ti”. No evanxeo, Xesús dinos que o esencial na vida é experimentar o amor provido de Deus que como Pai e Nai nos coida, nos guía e nos leva nas súas mans. Isto debe enchernos de acougo e confianza e así non nos obsesionaremos por buscar a falsa seguridade do diñeiro. E san Paulo quérenos servidores de Deus.

4. PETICIÓNS

Oremos, irmáns e pidamos ao Pai un corazón grande para amar coma el. Dicimos: -Que confiemos máis en ti, Señor.

- 1.-Para que a Igrexa anuncie o amor misericordioso e compasivo de Deus. Oremos.
- 2.- Para que descubramos cada día como un agasallo no que podó vivir a proximidade e a tenrura de Deus. Oremos.
- 3.-Para que coidemos da natureza e deste mundo tan belo que Deus nos regalou. Oremos.
- 4.-Para que non nos deixemos levar pola preguiza senón que axudemos a Deus a construír un mundo mellor e unha sociedade de irmáns. Oremos.
- 5.-Para que non nos angustiemos coas tarefas e dificultades da vida senón que confiemos en Deus provido. Oremos.
- 6.-Para que compartamos o amor, o humor, os mellores sentimentos. E gocemos do xogo, da risa, da música, o paseo, o tempo coas persoas que queremos e que atopamos no camiño. Oremos.

5. OFRENDAS

- **CORAZÓN GRANDE VERMELLO (cartel de Fano):** Deus é todo corazón, é o noso Pai-Nai no que podemos confiar, el coida de nós sempre aínda que ás veces o esquezamos. Dentro do corazón de Deus imos escribindo os nosos nomes porque nos coñece, quérenos e sabemos que sempre nos acolle e perdoo.
- **RODA OU VOLANTE:** Con esta roda traemos ata o altar as angustias as présas do noso mundo. Que o Señor, neste altar, transforme as nosas inquietudes en calma e acougo.
- **O PAN E O VIÑO:** Co pan e o viño dicimos ao Señor que queremos traballar por unha sociedade onde, a súa presenza, sexa tida en conta. E que a Eucaristía sexa alimento dos fillos de Deus que nos enche de forza para deixarnos coidar por Deus e poñer nel toda a nosa confianza.



6. VÍDEOS OU PPW PARA ESTE DOMINGO: Ord-7ºA

- Deus diñeiro, película: <https://www.youtube.com/watch?v=KKW0jgYJj80>
- De outra maneira, reflexión: <https://www.youtube.com/watch?v=fEvNEI8unRM>
- Sen precedentes, reflexión: http://www.youtube.com/watch?feature=player_embedded&v=Mgm0sRkgLtY#t=0
- Demasiado peso, reflexión: <https://www.youtube.com/watch?v=4PzQtYst1DQ&feature=autoshare>
- Deus coida de min, canción: <http://www.youtube.com/watch?v=VMVShcT4RVw&feature=kp>

O ritual dos indios Cherokee

Os indios Cherokee teñen un ritual moi especial a través do cal os nenos pasan a ser adultos. Cando o neno empeza a súa adolescencia, seu pai lévao ao bosque, véndalle os ollos e vaise, deixándoo só. O mozo ten a obrigaón de sentarse nun tronco toda a noite e non pode quitarse a venda dos ollos ata que os raios do sol brillan de novo ao amencer. Pero unha vez que sobrevive esa noite, xa é un home. Esta é unha experiencia persoal e o mozo ten prohibido comentar ou parolar da súa vivencia cos demais mozos.



Durante a noite, como é natural, o mozo está aterrizado. El pode oír toda clase de rúidos: bestas salvaxes que roldan ao seu carón, lobos que ouvean ... ou quizais, ata algún humano que pode facerlle dano. Pero debe permanecer sentado estoicamente no tronco, sen quitarse a venda, xa que este é o único xeito en que pode chegar a ser un home ante os anciáns da súa tribo. Finalmente, logo desa horrible noite, aparece o sol e o neno quítase a venda ... é entón cando descobre o seu pai sentado xunto a el. O seu pai non se separou do seu lado nin sequera un instante, velando durante a noite en silencio, listo para protexer o seu fillo de calquera perigo sen que el se decatase.

Nós tampouco estamos sos. Aínda cando non poidamos velo, no medio das escuridades da vida, o noso Pai está ao noso lado, velando por nós, coidándonos e protexéndonos dos perigos que nos asedian. Por iso, cando veñan os problemas e as sombras nos envolvan, o único que temos que facer é confiar nel, coa seguridade de que algún día virá o amencer, quitarémonos a venda e verémolo aí, ao noso lado, sen fallarnos.

Finalmente, logo desa horrible noite, aparece o sol e o neno quítase a venda ... é entón cando descobre o seu pai sentado xunto a el. O seu pai non se separou do seu lado nin sequera un instante, velando durante a noite en silencio, listo para protexer o seu fillo de calquera perigo sen que el se decatase.

Nós tampouco estamos sos. Aínda cando non poidamos velo, no medio das escuridades da vida, o noso Pai está ao noso lado, velando por nós, coidándonos e protexéndonos dos perigos que nos asedian. Por iso, cando veñan os problemas e as sombras nos envolvan, o único que temos que facer é confiar nel, coa seguridade de que algún día virá o amencer, quitarémonos a venda e verémolo aí, ao noso lado, sen fallarnos.

